

Broj: 03-02-491/2021
Sarajevo, 23.04.2021. godine

**PARLAMENT FEDERACIJE
BOSNE I HERCEGOVINE**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 26-04-2021			
Org. jed.	Broj	Priloga	Vrijednost
01-	02-	996	21

02

- **Predstavnički dom-**
gosp. Mirsad Zaimović, predsjedavajući
- **Dom naroda –**
gosp. Tomislav Martinović, predsjedavajući

Poštovani,

Na osnovu člana 7. Zakona o kontroli cijena („Službene novine Federacije BiH”, br. 2/95 i 70/08), u prilogu Vam dostavljam INFORMACIJU O DONOŠENJU ODLUKA O PROPISIVANJU MJERA NEPOSREDNE KONTROLE CIJENA PROIZVODA OD INTERESA ZA FEDERACIJU BOSNE I HERCEGOVINE, koju je Vlada Federacije Bosne i Hercegovine usvojila na 264. sjednici, održanoj 22.04.2021. godine.

Molim da se navedenom informacijom dopuni tačka 10. Prijedloga dnevnog reda 21. redovne sjednice Predstavničkog doma Parlamenta Federacije BiH, zakazane za 27.04.2021. godine.

S poštovanjem,



PREMIJER

Fadil Novalić

GOVERNMENT

Temeljem članka 19. stavak (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne Hercegovine na 264. sjednici, održanoj 22.04.2021. godine, d o n o s i

ZAKLJUČAK

1. Usvaja se Informacija o donošenju Odluka o propisivanju mjera neposredne kontrole cijena proizvoda od interesa za Federaciju Bosne i Hercegovine.
2. Informaciju iz točke 1. ovog zaključka, prema članku 7. Zakona o kontroli cijena, Vlada Federacije Bosne i Hercegovine će dostavit Parlamentu Federacije Bosne i Hercegovine.
3. Ovaj zaključak stupa na snagu danom donošenja.

V. broj: 695/2021
22.04.2021. godine
Sarajevo



PREMIJER

Fadil Novalić

GOVERNMENT

Temeljem članka 19. stavak (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne Hercegovine na 264. sjednici, održanoj 22.04.2021. godine, d o n o s i

ZAKLJUČAK

1. Usvaja se Informacija o donošenju Odluka o propisivanju mjera neposredne kontrole cijena proizvoda od interesa za Federaciju Bosne i Hercegovine.
2. Informaciju iz točke 1. ovog zaključka, prema članku 7. Zakona o kontroli cijena, Vlada Federacije Bosne i Hercegovine će dostaviti Parlamentu Federacije Bosne i Hercegovine.
3. Ovaj zaključak stupa na snagu danom donošenja.

V. broj: 695/2021
22.04.2021. godine
Sarajevo



PREMIJER
Fadi Novalić

GOVERNMENT

На основу члана 19. став (4) Закона о Влади Федерације Босне и Херцеговине („Службеногине Федерације БиХ“, бр. 1/94, 8/95, 58/02, 19/03, 2/06 и 8/06), Влада Федерације Босне Херцеговине на 264. сједници, одржаној 22.04.2021. године, д о н о с и

ЗАКЉУЧАК

1. Усваја се Информација о доношењу Одлука о прописивању мјера непосредне контроле цијена производа од интереса за Федерацију Босне и Херцеговине.
2. Информацију из тачке 1. овог закључка, према члану 7. Закона о контроли цијена, Влада Федерације Босне и Херцеговине ће доставит Парламенту Федерације Босне и Херцеговине.
3. Овај закључак ступа на снагу даном доношења.

В. број: 695/2021
22.04.2021. године
Сарајево



BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO TRGOVINE
MOSTAR

I N F O R M A C I J A

**O DONOŠENJU ODLUKA O PROPISIVANJU MJERA
NEPOSREDNE KONTROLE CIJENA PROIZVODA OD
INTERESA ZA FEDERACIJU BOSNE I HERCEGOVINE**

Mostar, april /travanj 2021. godine

Zakonom o kontroli cijena („Službene novine Federacije BiH“, broj: 2/95 i 70/08), uređuju se odnosi u kontroli cijena i usluga na jedinstvenom tržištu Federacije Bosne i Hercegovine i utvrđuju prava i obaveze nadležnih organa Federacije, kantona, grada i općine u vršenju kontrole cijena. Kao mjere neposredne kontrole cijena, u skladu sa članom 4. Zakona mogu se za pojedine proizvode propisati sljedeće mjere: određivanje najvišeg nivoa cijena, zadržavanje cijena na određenom nivou (zatečene cijene), davanje saglasnosti na cijene, odnosno tarife, utvrđivanje marži u trgovini (kalkulativne cijene) i obavješćavanje o promjeni cijena i marži za proizvode i usluge (evidencija cijena). **Član 7. Zakona o kontroli cijena propisuje** da je Vlada Federacije Bosne i Hercegovine dužna u roku od 15 dana obavijestiti Parlament Federacije BiH o propisivanju mjere neposredne kontrole cijena.

Imajući u vidu obavezu iz citiranog člana 7. Zakona u daljem tekstu ove Informacije navedene su Odluke o mjerama neposredne kontrole cijena koje je Vlada Federacije Bosne i Hercegovine donijela u periodu od 01.04. do 09.04. 2021 godine.

a) Odluka o propisivanju mjera neposredne kontrole cijena utvrđivanjem maksimalne visine marži za naftne derivate („Službene novine Federacije BiH“, broj: 26/21).

Nakon analize cijena naftnih derivata na osnovu Jedinstvenih carinskih isprava (JCI) i drugih podataka relevantnih za izradu kalkulacije veleprodajne i maloprodajne cijene, kao i sagledavanja obavijesti o promjeni cijena i marži koje benzinske pumpe dostavljaju ovom Ministarstvu radi evidentiranja, uočeno je da značajan broj prometnika naftnih derivata u Federaciji BiH ima neopravdano visok nivo marži. Činjenica da je sada (ilustrovano podacima na dan 22.03.2021. godine) znatno veći stepen ekonomske odgovornosti prometnika naftnih derivata u Federaciji BiH u odnosu na period početka pandemije (ilustrovano podacima na dan 17.03.2020. godine). Međutim, težina aktuelnog momenta i ekonomska realnosti u već drugoj godini trajanja pandemije i u svim sferama visoko devastirajućeg trećeg talasa iste, navodi da se posebno mora voditi računa o opravdanost visine marže, jer porast cijena goriva utiče na porast transportnih troškova, koji su kalkulatívni element zavisnih troškova i na taj način direktno utiču na cijene svih roba i usluga.

Cijena sirove nafte BRENT na londonskoj berzi (Izvor: oil-price.net) iznosila je na dan:

- 17.03.2020. godine 30,05 USD/barel
- 22.03.2021. godine 64,53 USD/barel

Kurs USD dolara na dan:

- 17.03.2020. godine 1,753 KM
- 22.03.2021. godine 1,645 KM

Prosječne maloprodajne cijene na benzinskim pumpama u Federaciji BiH:

Premium BMB 95 - BAS EN 228

- 17.03.2020. godine 2,15 KM/l
- 22.03.2021. godine 2,10 KM/l


Dizel D5 - BAS EN 590 (10ppm)

- 17.03.2020. godine 2,17 KM/l
- 22.03.2021. godine 2,08 KM/l

U cilju zaštite životnog standarda građana, a postupajući u skladu sa Zakonom o kontroli cijena, Federalno ministarstvo trgovine je kao obrađivač prijedloga odluke o mjerama neposredne kontrole cijena predložilo propisivanje mjere kojom se privrednim društvima koja obavljaju trgovinu na veliko utvrđuje maksimalna visina marže u apsolutnom iznosu od 0,06 KM/litru derivata i privrednim društvima koja obavljaju djelatnost trgovine na malo naftnim derivatima maksimalna visina marže u apsolutnom iznosu od 0,25 KM/litru derivata.

Ističemo da je Federalno ministarstvo trgovine izradilo mobilnu aplikaciju **FMT FBiH oil info** koja građanima pruža uvid u cijene naftnih derivata na svim benzinskim pumpama u Federaciji BiH. Za odabrani lokalitet (u radijusu od 20 kilometara) poredane su cijene na benzinskim pumpama od najniže do najviše. Slijedom navedenog, evidentno je da navedena aplikacija daje mogućnost građanima da maksimalno racionaliziraju kupovinu, a ujedno se korištenjem aplikacije potiče konkurencija u oblasti maloprodaje naftnih derivata. Za Android uređaje mobilna aplikacija je dostupna na platformi Google Play Store i za Apple mobilne uređaje iPhone i iPad na App Store servisu. Aplikacija se može preuzeti i putem linka ili skeniranjem QR koda koji su postavljeni na web stranici Federalnog ministarstva trgovine: www.fmt.gov.ba

Mobilna aplikacija **FMT FBiH oil info** je na dan 21.4.2021. godine za operativni sistem Android (prikazano u screen shot ilustraciji) imala cca 50.000 korisnika i za operativni sistem IOS imala cca 5.000 korisnika.



Napominjemo da se Federalno ministarstvo trgovine u izradi prijedloga ove odluke koja je dostavljena na odlučivanje Vladi Federacije BiH, u potpunosti sinhroniziralo i uskladilo sa diskusijom koja je vođena na 20. redovnoj sjednici Predstavničkog doma Parlamenta Federacije BiH od 30.3.2021. godine.

U skladu sa članom 4. alineja 4. i članom 10. Zakona o kontroli cijena („Službene novine Federacije BiH“, br. 2/95 i 70/08), Vlada Federacije BiH je na 261. sjednici, održanoj dana 01.04.2021 godine donijela **Odluku o propisivanju mjera neposredne kontrole cijena utvrđivanjem maksimalne visine marži za naftne derivate („Službene novine Federacije BiH“, broj: 26/21).**

b) Odluka o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode

I. Odluka o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije BiH“, broj: 26/21).

Federalno ministarstvo trgovine u skladu sa nadležnostima koje su propisane Zakonom o federalnim ministarstvima i drugim tijelima federalne uprave („Službene novine Federacije BiH“, br.58/02,19/03, 38/05, 2/06, 8/06, 61/06), vrši poslove iz nadležnosti Federacije koji se odnose na: trgovinu; funkcioniranje jedinstvenog tržišta; uticaj privrednog sistema i privredne politike na tržište roba i usluga; odnose ponude i potražnje, cijene roba i usluga i druge poslove utvrđene zakonom.

Na početku pandemije u 2020. godini u cilju zaštite ekonomskih interesa građana i preveniranja nerealnog utvrđivanja cijena, odnosno eventualno nepoštenog ponašanja trgovaca Vlada Federacije BiH je odmah reagirala i na prijedlog Federalnog ministarstva trgovine donijela mjere neposredne kontrole cijena (Informacija primljena na znanje na 19. redovnoj sjednici Zastupničkog doma Parlamenta Federacije BiH održanoj 24.02.2021. godine).

U decembru 2020. godine nakon kontinuiranog praćenja cijena na svjetskom i domaćem tržištu ocijenjeno je da je zbog vidljivog rasta cijena hrane neophodno poduzete aktivnosti koje se prvenstveno odnose na propisivanje mjera neposredne kontrole cijena za proizvode iz nadležnosti kantona.

Dana 07.12.2020. godine Federalno ministarstvo trgovine je zatražilo od nadležnih kantonalnih ministarstva da zbog teške epidemiološke situacije za proizvode iz njihove nadležnosti preispitaju važeće kantonalne odluke i da pokrenu odgovarajući postupak za donošenje novih mjera neposredne kontrole cijena, kojom bi se utvrdile niže veleprodajne i maloprodajne marže. Naime, sagledavanjem kantonalnih odluka o mjerama neposredne kontrole cijena utvrđena je velika razlika u visini propisanih maksimalnih marži i obzirom da se radi o jedinstvenom ekonomskom prostoru, namjera je bila da se uskladi visina maksimalnih marži sa Republikom Srpskom koja je za pojedine osnovne životne namirnice ograničila maksimalnu trgovačku maržu do 8 % u veleprodaji i do 10% u maloprodaji.

Početkom januara 2021. godine Federalno ministarstvo trgovine je uputilo Vladi Federacije BiH Informaciju o mjerama neposredne kontrole cijena iz nadležnosti kantona, koju je Vlada Federacije BiH usvojila na 252. sjednici održanoj 21.01.2021. godine i donijela Zaključak broj:124/2021 **od 21.01.2021. godine.** U tački 2. i 3.

navedenog Zaključka Vlada Federacije BiH je preporučila nadležnim kantonalnim organima u Federaciji Bosne i Hercegovine da u roku od 15 dana od dana stupanja na snagu navedenog zaključka donesu odgovarajuće odluke o visini maksimalnih marži u trgovini za: sve vrste brašna, sve vrste hljeba, peciva i drugih pekarskih proizvoda od brašna žitarica i za pasterizirano, homogenizirano i sterilno mlijeko. Za pobrojane proizvode preporučena je maksimalna veleprodajna marža do 8% na nabavnu cijenu i maksimalne maloprodajne marže do 10% na nabavnu cijenu.

Dana 25.03.2021. godine Vlada Federacije je na 260. sjednici usvojila Informaciju o poduzetim aktivnostima na realizaciji Zaključka Vlade Federacije BiH V. broj: 124/2021 od 21.01.2021. godine. Nakon donošenja i objavljivanja predmetnog Zaključka, u skladu sa tačkom 4. istog, nadležna kantonalna ministarstva obavijestila su Federalno ministarstvo trgovine o poduzetim mjerama. Od deset kantona u Federaciji BiH pet kantona imalo je ranije donesene odgovarajuće odluke usaglašene sa preporukom iz predmetnog Zaključka, četiri kantona su donijela nove odluke i samo jedan kanton nije postupio u skladu sa preporukom Vlade Federacije BiH. S tim u vezi, naglašavamo da su pojedini kantoni propisali i niže maksimalne veleprodajne i maloprodajne marže za navedene proizvode.

Dana 25.3.2021. godine Vlada Federacije BiH je na 260. sjednici usvojila Informaciju o potrebi osiguranja ekonomski opravdane marže u veleprodajnim i maloprodajnim cijenama osnovnih životnih namirnica u Federaciji BiH sa prijedlogom Zaključka. Cilj ove informacije je bio upoznati Vladu Federacije o aktuelnim kretanjima cijena osnovnih životnih namirnica u Federaciji BiH. U Informaciji je navedeno da je rast cijena hrane u svijetu posljedica pandemije COVID 19 i refleksija niza turbulentnih dešavanja na svjetskom tržištu uzrokovanih smanjenjem globalne ponude i povećane potražnje, posebno od strane vodećih svjetskih ekonomija koje imaju dominantan uticaj i finansijsku moć. U istoj je naglašeno da tržišta koja nemaju domaće sirovine ili gotove proizvode zavise prije svega od uvoza, a Bosna i Hercegovina je zemlja koja nema dovoljno domaćih sirovina i većinu svojih potreba za ovim proizvodima zadovoljava iz uvoza i u znatno je nepovoljnijem položaju u odnosu na zemlje koja posjeduju vlastite sirovine i proizvodnju. Nadalje, istaknuto da je uvoz ulja u Bosnu i Hercegovinu većim dijelom iz Mađarske, Srbije i Hrvatske, a manjim dijelom nabavlja se iz Brčko distrikta BiH i da se aktuelna cijena uljarica (suncokreta, soje i uljane repice), na berzama nalazi na višegodišnjem rekordno visokom nivou, što se u potpunosti odrazilo na rast cijena jestivog ulja, kako u BiH, tako i u cijeloj regiji, odnosno u svijetu. U maloprodaji cijena ulja je od početka ove godine porasla za više od 0,30 KM/litru. Šećer se uvozi i od početka 2021. godine ova berzanska roba je skuplja u nabavi za 40 KM/toni. Razlog za navedeno je pad proizvodnje u vodećim zemljama proizvođačima šećera, kao i veliki rast potražnje, posebno iz Kine. Pšenica, koja je također berzanska roba, dolazi uglavnom iz Hrvatske, Srbije i Mađarske i krajem prošle godine cijena po toni je bila od 160 do 170 Eura u zavisnosti od glutenaže, a sada je oko 220 Eura. U Informaciji je navedeno da je Kina u 2020. godini potrošila ogromne zalihe hrane, a kako su nepovoljne vremenske prilike oštetile ovogodišnji urod žitarica, kineski uvoz ječma, kukuruza i pšenice u zadnjih devet mjeseci porastao je za više od 80 %. Kineska potražnja za žitaricama stvorila je pritisak na evropskom tržištu i Kina bi mogla postati najveći globalni kupac žitarica. Vezano za transport roba naglašeno je da je manjak brodskih kontejnera izazvao drastično poskupljenje prekookeanskog kargo transporta. Naime, u decembru 2020. godine cijene brodskog kargo transporta skočile za 264 posto za rutu od Azije do sjeverne

Evrope u odnosu na godinu dana ranije. U poređenju sa martom prošle godine, prekooceanski kontejnerski transport iz Kine za SAD i Evropu poskupio je za više od 300 %. Pored navedenog poskupila je ambalaža za sve vrste roba, bilo da se radi o kartonskoj, plastičnoj ili alimunijskoj ambalaži. Kako smo naglasili ovo Ministarstvo prati i analizira kretanje cijena pojedinih proizvoda i usluga na domaćem i svjetskom tržištu i njihov uticaj na stabilnost tržišta i cijena, kao i životni standard stanovništva. U vrijeme pandemije poseban fokus je na proizvodima kao što su: ulje, šećer, svježa piletina, čije su cijene prema podacima Federalnog zavoda za statistiku **od početka 2021. godine najviše porasle**. U Informaciji je navedeno da u skladu sa odredbama Zakona o kontroli cijena („Službene novine Federacije BiH“, br. 2/95 i 70/08), Vlada Federacije BiH može propisati mjeru neposredne kontrole cijena ili zadržavanje cijena na zatečenom nivou (zatečene cijene) na određeni datum ili mjeru utvrđivanja marži u trgovini, ali samo i isključivo pod uslovom da su se stekli razlozi za donošenje tih mjera. Obzirom da je evidentno da je u ovom slučaju uglavnom došlo do **povećanja nabavnih cijena u lancu snabdijevanja** i mjera zadržavanja cijena na zatečenom nivou nedvojbeno bi se odrazila na uredno snabdijevanje tržišta u Federacije BiH, te bi uzrokovala smanjenu ponudu, odnosno nestašicu tih roba i dodatna negativna posljedica bi bila trgovina iz sfere sive ekonomije.

Kako je problem povećanja cijena u dominantnoj mjeri **uzrokovao vanjskim faktorom** u Informaciji je navedeno da je veoma bitno da visine marži osnovnih životnih namirnica, kao što su ulje, šećer, sol, maslac, margarin, pileće meso i dr. u trgovini budu na ekonomski opravdanom nivou, što u biti znači da trgovačke marže trebaju da osiguraju pozitivno poslovanje trgovaca, ali nikako stjecanje ekstra profita i njihovog bogaćenja. Slijedom navedenog, uočavajući stanje na tržištu i u kretanju cijena osnovnih životnih namirnica, Federalno ministarstvo trgovine je naložilo Federalnoj upravi za inspekcijske poslove, odnosno Inspektoratu tržišno-turističke inspekcije da kao proritetsku aktivnost izvrši uvid ukalkulacije veleprodajnih i maloprodajnih cijena i visine marži. Vlada Federacije BiH je nakon razmatranja navedene informacije usvojila Zaključak, kojim se zadužuje Federalna uprava za inspekcijske poslove da u skladu sa članom 133. Zakona o organizaciji organa uprave u Federaciji Bosne i Hercegovine (Službene novine Federacije BiH“, broj: 35/05), zatraži od kantonalnih uprava za inspekcijske poslove i kantonalnih inspekcijskih organa, podatke o primjeni odluka o mjerama neposredne kontrole cijena za proizvode iz kantonalne nadležnosti i da u roku od sedam dana dostavi Federalnom ministarstvu trgovine podatke o visini veleprodajnih i maloprodajnih marži osnovnih životnih namirnica.

Radi promptnog zaustavljanja bilo kakvog spekulativnog ponašanja trgovaca i osiguranja ekonomski opravdane visine marže Federalno ministarstvo trgovine je u cilju zaštite životnog standarda građana predložilo Vladi Federacije BiH propisivanje mjere neposredne kontrole cijena utvrđivanjem maksimalne visine marži u veleprodaji do 6 % i u maloprodaji do 8% na nabavnu cijenu za pojedine osnovne životne namirnice i druge proizvode (Lista proizvoda od 32. stavke osnovnih životnih namirnica i drugih proizvoda sa referentne Liste proizvoda iz Odluke Vlade Federacije i Uredbe Republike Srpske iz aprila 2020. godina, koja je dodatno uključivala i medicinsku opremu).

U skladu sa članom 4. alineja 4. i članom 10. Zakona o kontroli cijena („Službene novine Federacije BiH“, br. 2/95 i 70/08), Vlada Federacije Bosne i Hercegovine je na 261. sjednici održanoj dana 01.04 2021 godine, donijela **Odluku o propisivanju mjere neposredne kontrole cijena utvrđivanjem maksimalne visine marži za pojedine**

osnovne životne namirnice i druge proizvode („Službene novine Federacije BiH“, broj: 26/21).

II . Odluka o izmjeni odluke o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije BiH“, broj: 28/21).

Nakon evaluacije efekata implementacije ranije propisane mjere neposredne kontrole cijena Vlada Federacije BiH je izmijenila raniju Odluku o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije BiH“, broj:26/21). Razlog za izmjenu navedene Odluke je optimizacija propisane mjere neposredne kontrole cijena radi postizanja neophodnog balansa između zaštite životnog standarda građana - kupaca i ekonomski održivog poslovanja proizvođača i trgovaca. Konstatovano je da je preširoka paleta proizvoda sa niskim pragom marže dovela u pitanje održivost poslovanja malih trgovaca, što je u konačnici moglo rezultirati otpuštanjem radnika, ali i problemima u snabdijevanju proizvoda iz Odluke. Ocijenjeno je da je potrebno izvršiti izmjene odluke kao bi se omogućilo ekonomski održivo poslovanje malih trgovaca koji su značajno konkurencijski inferiorniji u odnosu na velike trgovce. Ističemo da sektor trgovine upošljava više od 95.000 radnika i kad tome dodamo i domaću proizvodnju povezanu s proizvodima s liste, kao i članove njihovih obitelji, to u konačnici broji više od pola miliona građana, čiju egzistenciju i životni standard također treba zaštititi

U Odluci o izmjenama Odluke o propisivanju mjere neposredne kontrole cijena utvrđivanjem marži za pojedine osnovne životne namirnice i druge proizvode je propisano da pravna i fizička lica koja se bave proizvodnjom, trgovinom na veliko i trgovinom na malo su obavezna utvrditi i primjenjivati marže tako da iste ne prelaze visinu marži proizvoda u procentualnom iznosu na dan 31.12.2020. godine. Navedeni datum je određen kao datum koji je prethodio trećem valu pandemije započetom u 2021. godini i značajnom pogoršanju epidemiološke situacije u Federaciji BiH.

Ocijenjeno je da se Izmjenom Odluke onemogućava ekonomski i društveno neodgovorno, odnosno spekulativno postupanje trgovaca u 2021. godini i da trgovci pad prometa neće moći kompenzirati podizanjem procentualnog iznosa visine marži u odnosu na 31.12.2020. godine. To znači, u slučaju da su trgovci primjenjivali navedenu praksu, sada će biti obavezni smanjiti cijene proizvoda s liste za nedozvoljeni uvećani procentualni iznos marži u odnosu na 31.12.2020. godine.

Ranije propisana lista osnovnih životnih namirnica i drugih proizvoda reducirana je na ukupno 17 stavki, s tim da i dalje dovoljno široko obuhvaća pojedine osnovne životne namirnice i druge proizvode koji su najbitniji za zaštitu životnog standarda i ekonomskih interesa građana u Federaciji BiH.

Vlada Federacije Bosne i Hercegovine je na 262. sjednici održanoj dana 08.04 2021 godine, na prijedlog Federalnog ministarstva trgovine, donijela **Odluku izmjeni odluke o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode („Službene novine Federacije BiH“, broj: 28/21).**

Na kraju ističemo da se Federalno ministarstvo trgovine u izradi prijedloga predmetnih odluka koje su dostavljene na odlučivanje Vladi Federacije BiH, u